

Youq ndaw yienhsieng gou, mboujguenj dwg saeh hung saeh iq, daxboh cungj maij mboen bae raemh dauq.

Seiz gou ngamq doeg siujyoz, daxboh couh hainduj youq henz rwz gou raemh: “Daegdi, mwngz yawj mwngz, cozyez guh ndaej baenzneix rubrab, gij loek baenzneix lai, caen vut naj boh mwngz, boh mwngz dwg lauxsae bw, hawj gou nyinhcaen di.”

Seizde gou lij iq, mbouj roxsoq, raemh couh raemh lo. Hoeng, gou doeg daengz cuhcungh, daxboh lijdwg ciengzseiz raemh: “Daegdi, mwngz hix hung lo, wnggai rox gag hagsib lo, baenzlawz lij cungj dwg hawj gou caeuq meh mwngz gangj baenzneix lai ha? Daengz mwngz cuhcungh bizyез, danghnaeuz gauj mbouj ndaej gauhcungh, gou yawj mwngz cij ndaej bae gwnz ndoi cuengq vaiz lo.”

Ceiq hawj gou simfanz dwg, gou dang lauxsae le, daxboh lijdwg raemh. Mwh gou ngamq dang lauxsae, aen singhgiz satbyai dauqma daengz ranz, de cungj caeuq gou gangj baenzlawz baenzlawz doiqdaih hagseng, baenzlawz baenzlawz cij ndaej guh ndei gij saeh sonhag. Hainduj, gou lij nyinhcaen bae dingq, hoeng nanz le, couh roxnyinh gig simfanz: Gou gaenq dang lauxsae baenzlai nanz lo, youh youq conhyez yozyau hagsib gvaq, gij neix gou mbouj rox ha, yungh mwngz naeuz baenzneix lai?

Gvaq le geij bi, daxboh youh haidaeuz raemh aen saeh wnq: “Daegdi, mwngz hix mbouj iq lo, wnggai ra yah lo, gaej doeng genj sae

Daxboh Bak Raemh

父亲爱唠叨

□ Lij Yungzcangh / 李雄章

genj, genj dwk da va bae, ra yah ceiq youqgaenj dwg yawj dahsau de gaenz guh hong, rox guenjgya, rox gingq meh mwngz couh ndei. Gaej caenh yiemz boux neix mbouj gyaundeі, boux haenx youh mbouj lengj, gyaundeі ndaej dang haeux gwn ha?” Aen vah neix lienzdaemh lai bi, moix baez gou dauqma daengz ranz, itdingh dingqnyі, loengh dwk gou moix baez baema cungj caeuxcaeux deuz dauq bae yozyau.

Doeksat gou gezvwnh lo, youq bihaenx daengz cietcingmingz sauq-moh, gou baez daih’ it daiq yah ma ranz, dinga daxboh mwhhaenx gaenq mbouj lingzbienh lo, hoeng lijdwg gaemh gaenj dwngx he, saemxsaeмx saxsax cengqgengz caeuq dou benz hwnj aen dat lingq he bae sauqmoh, baenzlawz gienq de hix mbouj dingq.

Dangzsauj gej naeuz: “Mwngz mbouj rox, dinga daxau mbouj lingzbienh, sauqmoh geijlai bi cungj mbouj ndaej daeuj lo. Bineix mwngz baez daih’ it daiq yah mwngz dauqma, de sim’angq ne. Ndigah itdingh aeu daeuj docih cojcoeng baujyouh,

mwngz couh hawj de riengz hwnjbae ba, yienghneix de cij ansim.” Dingq gij vah beixsauj, gou rex daxboh benz coh gwnz bya, seizhaenx lwgda gou mbaeqmbaeq bae, ndawsim gou hix cij hainduj roxnyinh vih maz daxboh baenzneix gyaез raemh bak……

Gvaq le geij bi, daxboh seizheiq mbouj ndei, baenz cungj bingh bouxgeq ukmwnh ndeu. Ciemhciemh, gou ma ranz de hix mbouj roxnaj gou lo. Gou naengh youq henz de, gig siengj dingqdingq de riengz gou gangj vah, hoeng de cix caiq mbouj gaen gou gangj coenz vah gvaq. Hoeng, daxmeh lwnh gou naeuz: “Daxboh mwngz seizneix yienznaeuz mbouj roxnaj mwngz, hoeng de lij ndaejgeiq mingzcoh mwngz, mwngz mbouj youq seiz, mizseiz de uk cingsingj di, couh cungj cam gou ‘Daegdi bae gizlawz lune? De ra ndaej yah caengz?’ Gou lwnh de mwngz gaenq ra ndaej yah lo, de cix caem roengzdaeuj.” Dingq gij vah daxmeh gangj neix, youh yawjyawj daxboh mbouj roxnaj gou, gou raemxda dumh naj——lauheiq dwg vih gou ra yah dwg daxboh cuengq youq ndawsim lai bi ba, de geiq mbouj

ndaej gou gaenq gezvwnh, hoeng de lijdwg geiq ndaej aeu ra yah hawj gou! Mwhhaenx, gou geijlai siengj daxboh ndaej roxnaj gou, caiq raemh bae raemh dauq hawj gou dingqdingq ha!

Seizneix, daxboh gaenq biekliz dou bae geij bi lo, moix baez dauqma daengz ranz, gou yawjraen aen fuengz daxboh youq gvaq, seizneix hoengq-vangvang, gou naengh youq henz daxmeh, dingq daxmeh lumj daxboh nei raemh bae raemh dauq, gou mbouj roxnyinh fanz lo, caeuq de menhmenh gangigoj dwk, seiz mbouj seiz dap coenz vah he……

Daengz seizneix, gou fwt roxnyinh, bingzseiz raeuz naeuz bohмeh bak raemh, gizsaed dwg raeuz simdaiq mbouj ndei, danghnaeuz mwngz rox bohмeh vih maz bak raemh, mwngz couh mbouj roxnyinh fanz lo!

Ai, daxboh bak raemh, raeuz ciengzseiz mbwq bohмeh bak raemh, hoeng, ciengzseiz dwg daengz doek-laeng raeuz cix yawjraen, youq gij vah raemh bae raemh dauq ndawde, dwg gij gyaез naekgywggywg bohмeh ha!

Goj Duznou Mihmih Haeuj Singz Bungz Yiemj

老鼠咪咪进城遇险记

□ Vwnh Meijgenh / 温美娟


Miz haemh ndeu, duznou Mihmih bae ndaw singz ranz dahcej de guhcaemz.

Mihmih mienh byaij mienh ciengq: “Bae ranz beix gig angq, caeuq de caez gangigoj, ninz geij haemh cij ma, ninz geij haemh cij ma……” “Mihmih! Mihmih!” Dahcej de heuh. Mihmih vad fwngz sing hung dwk dap: “Hei!” Seizhaenx, Yenzlaiz dwg dahcej Mihmih daeuj ciep de, de angq dwk buet gvaq loh hung, sawqmwh gyaq ci ndeu baez cung gvaqdaeuj, ca di gyanx deng Mihmih, de daengx ndang cungj saenzgywggywg dwk naeuz: “Dahcej, ndaw singz gij ci baenzneix lai, ngoenzlawz gvaq loh deng gyanx dai cungj mbouj rox ha?” Dahcej de hongz naeuz: “Rox gij gveihcwz gyauidungh couh mbouj lau. Mwngz haxbaenh roemx daenghoengz lo. Mwngz yawj, lohcihcib, daenghoengz dingz, daengloeg byaij, daenghenj rongh couh daengx yaep he. Gvaq maxloh, yawj song mbiengj, mbouj miz ci cij ndaej byaij, yaek byaij hix deng byaij senbanhmaj.” Mihmih sim lij lau, dahcej youh gangj ndaej lai, de hix geiq mbouj ndaej

geijlai, cij dwg itcig ngaekgyaeuj.

Gyoengqde doq byaij doq gangj, gig vaiq couh daengz ranz dahcej Mihmih lo, dahcej naeuz: “Mihmih, ndonj gvaq geh bakdou baihlaj haeujbae.” Haeuj ranz lo, Mihmih raen gij ranz ndongqmyanmyan, baez diuq hwnj gwnz congzdanzvangz, danz hwnj danz roengz, vaiqvued dwk naeuz: “Dahcej, mwngz haq ndaej deng dieg lo, gou lij ninz youq fuengznyungq ne!” Dahcej de naeuz: “Suenq maz ndei, mwngz dungxiek dingxlo, sien bae gwn caeuz gonq. Haeuj ranzdajcawj, gwnz daiz miz nohbit、nohgaeq, yiengyiengh cungj miz. Mihmih naeuz: “Dahcej, mwngz ninz ndei、gwn ndei, gou gvaq ndaej beij mwngz ca lai lo.” Dahcej de naeuz: “Neix mwngz couh lai gwn di, mbouj gangj baenzlai, vaiq gwn.”

Mihmih sikhaek gaemz hung gaemz hung gwn hwnjdaeuj, cingq gwn diemzswdswd seiz, sawqmwh ndaej nyi miz vunz hai dou, dahcej de naeuz: “Mihmih, miz vunz dauqma lo, mbouj gwn lo, vaiq buet.” Bouxcawj raen miz duznou, gaem faex couh yiengq Mihmih moeb daeuj. Mihmih buet



Giuzdiuq hamj gwoz dab.

doeng youh buet sae, yaep he ndoj haeuj ga daiz, yaep he ndoj haeuj yiemz cueng, buet ndaej hanh conh laeng、nyouh cungj yaet caez, gig gannanz cij buet daengz rog. Baez raen dahcej de couh daej dwk naeuz: “Dahcej ha, haxbaenh gou yaek deng moeb dai bae lo, haeuj ndaw singz daeuj, mbouj daengz ngoenz he, gou couh yaek yiemj dai song baez lo. Gou mbouj siengj riuj mbei gvaq saedcej,

vanzlij youq lajmbanj ansim di. Haemhneix gou lienzhaemh ma ranz gou bae lo.”

Dahcej de dingq le naeuz: “Mihmih, mwngz mbouj ndaej dauqbae baenzneix vaiq, gou lij caengz caeuq mwngz gangigoj guh-caemz ne! Dahcej mbouj hawj mwngz bae! Dahcej mbouj hawj mwngz bae!” Hoeng, Mihmih vanzlij dauqma ranz lo.